

Ighus tittillapal bweletáál USA – Hawaii yaar schufengál

1826 – USA e reepiya Kingdom of Hawaii bwe e ii-ló schagh yaal mwóghut me esóór le e ito lemelem wóól aramasal falúw bwe re independent.

1893 – Sáangi ówtol tiliighiyal apélúghúlúgh (pretext) nge schóól U.S. Navy raa ito asóóy wóól Hawaii bwe re tipáli me re mwuschel reel rebwe ayoora allégh (security) ngáli United States, nge Minister me wóól United States aa ayúútá ghalleeral Amerika bwe aa apilúghúlúgh-tiw bwe Hawaii nge aa lo faal United States. Iwe gobietnamentol U.S. ese awóóy kkoor Hawaiian me soolap-ló wóór aramasal Queen Liliuokalani. (Areghi yaal Queen Liliuokalani ischiy ngali US yaar soolap me re se awóór aramasal Hawaii toolong lóll internet wóól: <http://www.kanakamaolipower.org/history.php>)

1898 – United States aa officially lemelem ló wóól Hawaii nge re se mwiir sáangi-mwo aramasal towlap. U.S. ese attabweey aweeel ‘annexation treaty’ e bwe aweey sáangi Louisiana, Florida, Texas, me akkáv territories. Lóll alléghúl international law, nge bwe ngare re se attabweey annexation treaty, nge e bwal kke yoor schagh bwangiir aramasal falúw me re bwal mamaaw re bwe fééri meeta tipeer wóól falúwer.

1959 – United States of America aa ayoora-ta plebiscite. Mille aramasal falúw rebwe fili me bootá-li meeta tipeer ngali falúweer. Ngare re mwuschel bwe esóór iyo ebwe itto lemeli wóól falúweer me ngare re mwuschel me afeschi bwe re bwe fiti U.S. bwe bwal ééw state. Ebwal yoor tumwóghol mille rese atolongow ebwe lo lóll plebiscite bwe ebwe ayeghiir aramasal falúw me igha e bwal mandate me lóll Charter of the United Nations bwe ngare aramasal Hawaiians re bwal mwuschel afali re bwe independence. Re se aa toolongow lóll plebiscite. Igha aa ssoghur aramasal U.S. military ra lollo wóól Hawaii, nge aa ssogholó schagh yaar bootali re bwe schuu-fengál me U.S. me e bwele alimeighil (50) state lóll United States of America.

2015 – Hawaii nge ii mille e ghi lling me mwamwaayil state me lóll alongal American Empire me igha U.S.A. e schiwel kke amwaschútiw yaar Hawaiians re bwe independence ló.
Nge ileeta? Bwal iletelaal?

Lóll mwáliyeer Amerikano bwe: ***“Si ghi mamaaw sáangiir alongal masamasal nasion me wóól falúw!”***

Re bwal ghal abwungúw ngáliir atel meleitei me e lo lóll ‘Pledge of Allegiance’ bwe: ***“....sibwe lemeli tipasch me si bwal aweewe ppagh alongasch!”***

Yaar apalawal Hawaiians nge: ***Hawaii nge saabw America, esemwel schagh toori mááló!***
Northern Marianas nge saabw America, esemwel schagh toori mááló!

Eyoor akkáv nation wóól falúw kka raa ghi weires me re mwuschel independence. Essogh tittillapal falúweer reel igha akkáv nation re ito toolong lemelem-ló wóór me re áfitti-fetáley me re se atabweey ówtol international laws e bwe alisiir aramas.

Schóól Hawaiian nationals nge re bwele fééri yaar permanent educational exhibition me wóól falúw iye Kauai island, falúwal aweewe, me re bwe abwáriitá alongal tittillap bwe aramas me bisiital alongal falúw re bwe reepiya.

Imwu ebwe yoor materiad me arongorong me lóll internet me re bwal sáláti-ngáli alongal kkapasal me wóól falúw.